

դեղ են ոչ աւելի, քան ժառանգական գիւղապետներ միայն:

Ահա հայկական այդ «ազնուականութիւնը», որ սոսկ, պատուոյ իրաւունքներ է վայելել ու չէ եղել կալուածատէր, գիւղացիներէ հանդէպ էլ չէ ունեցել այլազան իրաւունքներ (պարտադիր աշխատանք, եւայլն): Այդ «ազնուականները» մնացած հայերից ուրիշ ոչնչով չեն տարբերուել: Խնամութեան խնդրում իսկ չէ դաւանուել «դասակարգային նախապաշարում» (Ա. 189):

«Երբ, շարունակում է Հաքստհաուզէն, Հայաստանը ուսման ձեռքն անցաւ, կառավարութիւնը վաւերապէս պահանջեց գիւղապետների արտոնութիւնները հաստատող, եւայլն: Օրինական պիտի համարուէին միայն պարսից Շահի կողմից տրուած արտոնութիւնները: Եւ երբ հայերը չկարողացան ներկայացնել այդպիսիք, կառավարութիւնը վերացրեց նրանց տուրքից ազատ լինելու արտոնութիւնը, հակառակ վրաստանի, ուր ժառանգական գիւղապետները ճանաչուեցին մինչեւ իսկ որպէս ժառանգական իշխաններ: Ինչպէս երեւում է՝ «չարիէն աւելի» արտոնման սխալը մի տեղ՝ առիթ է եղել մի ուրիշ տեղի «չարիէն պակաս» ծայրայեղութեան: Վասնզի ինչ որ իրական յարաբերութեանն է վերաբերում, վրացական գիւղապետները հայերից միայն նրանով էին առաջ, որ նրանց իշխանութիւնը կամայական էր եւ ճնշիչ, որովհետեւ հողին զամուած գիւղացիները նրանց ճորտերն էին, մինչ հայ գիւղապետների իշխանութիւնը թեթեւ էր, մեղմ եւ բարեբար ազդեցութեամբ, որովհետեւ նրանք իշխում էին ազատ մարդկանց վրայ»

Ռուսական Հայաստանում կար, ասում է Հաքստհաուզէն, նաեւ մի տեսակ ընդհանուր պետ, բայց միայն հայ տարրի համար: Ինչպէս որ թաթարները ունէին իրենցը՝ խանը: Այդ արտոնութիւնը պատկանում էր Երեսնի ժառանգական հայ մելիքին՝ Աղամալեան գերդաստանի աւագ անդամին*), բայց Հա-

յաստանում ոչ հայ Մելիքը, ոչ էլ թաթար խանը չհասան կատարեալ իշխանութեան. նրանք միշտ էլ ենթակայ մնացին պարսից սարդարին, այսինքն՝ Շահի կուսակալին: Հայ մելիքը իր դիրքի եւ պատուի մէջ մնաց մինչեւ ռուսական տիրապետութեան սկիզբը, մինչ թաթար խանը արդէն 40-50 տարի առաջ հեռացուել էր պարսիկների կողմից: «Հայոց Մելիքը մեծ ոյժ ունէր եւ վայելում էր բարձր յարգանք, ոչ միայն հայերի, այլ մինչեւ իսկ պարսիկների մօտ» (Ա. 198):

Այսպիսով տեսնում ենք, որ Հայաստանում իսկական ազնուականութիւն չի եղել. Երեսնի Մելիքը, ինչպէս եւ թաթարները ու ժառանգական գիւղապետները պատուոյ պատճառներ են եղած:

Այս պայաններում, ի հարկէ, չէր կարող լինել եւ աւատականութիւն:

«Ճորտատիրութեան հետքն անգամ չկայ Հայաստանում»: Դրան աւելացնում է Հաքստհաուզէն, որ ճորտատիրութիւն առհասարակ գոյութիւն չունի մահմեդական կամ մահմեդական իշխանութեան ենթակայ երկիրներում, այլ, դրա փոխարէն, անձնական ստրկութիւն:

Հաքստհաուզէնի այս կարծիքը մասամբ միայն ճիշդ համարել կարելի է: Բայց չճանաչողները եւ անցնինք:

Հայ համայնքները, դիտում է Հաքստհաուզէն, հինէն ի վեր կառավարուել են ընտրովի մեծերի եւ նրանց 2-3 խորհրդականների ձեռքով: Դրանք են եղել կարգ ու կանոն պահպանողները, ամէն տեսակ վէճերը յարգարողները. (Ա. 188):

Ժառանգական վէճերը լուծում են միջնորդ դատաւորները (Ա. 164): Այդ խնդրում հայերը հետեւում են վրացիների օրէնքներին եւ սովորութիւններին:

Հայ ընտանեկան կազմը եւ կենցաղը*) եւս համապատասխանել է հայ ժողովուրդին ի բնէ յատուկ ժողովրդական ոգուն: Դա Հաքստհաուզէն անուանում է «ըստ ամենայնի նահապետական». (Ա. 197): Մէկ կէտի մէջ էապէս տարբեր էր հայ ընտանիքը ասիական

*) Հաքստ. իր գրքում առաջ է բերում (Ա. 191) Աբովեանի «Պատանեկական յիշողութիւններից» առնելով, Մելիք Սահակ Աղամալեանի մանրամասն նկարագրութիւնը:

*) Հայ ընտանիքի մանրամասն նկարագրութիւնը տալիս է Հաքստհաուզէն իր գրքի առաջին հատորի մէջ (Երես 197-203):